



日本外史補

淺井氏  
朝倉氏

八九



長門國阿武  
郡須佐柳園  
益田氏藏書



日本外史補卷之八

淺井氏

淺井氏出於大納言三條藤原公綱。嘉祿中。公綱得罪。貶近江。寄食京極持清。居淺井郡。丁野村。舉一男。曰重政。無幾。公綱遇赦。還京師。尋薨。重政從母。留丁野。及長事持清。領淺井郡。因氏焉。子孫世事京極氏。重政生忠政。忠政生賢政。賢政子教政。

亮政政信。

淺井三代記。本書曰。忠政生三子。長子賢政。嗣次曰新七郎。繼三田村氏。次曰

新八郎。繼大野木氏。

亮政稱新三郎。幼有大志。嘗自觀家譜。

新次郎教政  
新助政信

慨然曰。吾元縉紳之裔。今下為人奴隸。大丈夫不能霸天下。猶當王一國。是時京極持清之後。高濑與六角義實構兵。失犬上愛知二郡。三代京極氏六角氏皆出於佐佐木信綱。當足利氏時。信綱長子泰綱裔氏賴領湖南八郡。是為六角氏。次子氏信裔高氏領湖北五郡。出雲隱岐及飛驒之半。是為京極氏。大日本史諸家大系圖按三代記以京極氏六角氏並為佐佐木道譽之裔誤至高濑勢微不能抗六角氏。六角氏數來侵。高濑讓封其將上坂景重。老丁上平。於是景重代高濑。

治部大輔景重

長門國阿武郡須佐柳田益田氏藏書

治于上坂。永正七年。亮政年十六。從景重攻下磯山。與六角定賴戰鳥井本。獲首級。定賴義實庶族也。勇武有威權。代義實據湖南。六月。亮政從入湖南。攻拔松原。遂下佐和山。定賴來救。景重擊破之。乘勝追北。敵將永原某。伏兵矚射。景重危窘。亮政力戰走之。八年二月。景重與六角氏和。景重無子。養京極高濑次子泰舜為嗣。守今濱。既而復養美濃土岐某子泰信。守上坂。而老于今濱。削髮號泰貞。參取三代記。淺井物語。十三年。泰貞卒。泰舜嗣。為人闇弱。

治部大夫泰舜

今濱後改長濱  
兵庫頭泰信

遠舊將。寵新進。亮政歎曰。幼主當國。有諫臣而不能。用我豈坐待其亡乎。因圖除泰舜。密告其兄。教政。教政愕曰。今集兵。不過六十騎。以是起大事。祇足以招族滅己。亮政又語其族。三田村定元。大野木秀國。皆不從。亮政退。窮罵曰。此輩何足與謀大事。迺謀其友。大橋秀元。秀元應之。且曰。大野木三田村如何。亮政曰。我既告焉。彼怯懦。反以吾為狂。秀元曰。伊部為利。雉畧過人。與我親善。請與圖之。乃往語焉。為利曰。是吾意也。不圖為少年人所先。

左衛門大夫定元

土佐守秀國

善次郎秀元

清兵衛為利

淺井君既有此舉。僕敢不致死。唯臨事遲疑。恐露泄。宜速決。亮政得報大喜。決策夜襲上坂。亮政以百騎伏城傍。遣秀元為利。縱火掘部。以誘城兵。泰信望火。空城而出。亮政直入據城。秀元為利亦間道馳入城。既而泰信不見敵而還。亮政拒之。不得入。遂走今濱。明日。定元秀國以八百人來屬。勢稍振。上坂泰舜聞變。大怒。數來攻。亮政擊卻之。遂攻今濱。陰招降宮川某。篁某。篁宮川乘風雨。夜縱火焚城。我兵因殊死戰。大破之。泰舜泰信走尾上。京

極。高。清。在。上。平。聞。今。濱。陷。大。驚。欲。發。兵。會。疾。篤。不。果。亮。政。城。小。谷。徙。焉。壞。今。濱。及。上。坂。城。見。俊。孝。

說。泰。舜。及。小。谷。修。備。未。成。攻。之。不。從。三代記按淺井物語九月

二十一日。亮政乘曉霧襲今濱與本書不合。十四年二月。京極。高。清。卒。

子。高。岑。嗣。四。月。高。岑。發。湖。北。六。郡。兵。來。圍。小。谷。屯。

尊。照。寺。亮。政。伏。兵。城。東。大。寄。及。小。室。大。洞。虎。御。前。

約。敵。來。圍。則。同。發。敵。覺。之。乃。收。兵。入。城。敵。驍。將。磯。

野。員。詮。及。子。為。員。上。城。後。山。瞰。射。城。中。我。兵。患。之。

亮。政。使。候。騎。覘。敵。營。還。報。曰。敵。人。皆。曰。為。員。以。弓。

高岑號利角齋

右衛門大夫詮

員源三郎為員

善右衛門貞兼

孫八郎清綱

弩。困。城。兵。城。兵。將。自。潰。諸。營。皆。不。設。備。獨。淺。見。氏。陣。堅。耳。亮。政。曰。可。也。我。且。擊。其。惰。五。月。三。日。夜。使。大。橋。秀。元。海。北。貞。兼。潛。出。城。繞。出。尊。照。寺。後。遣。別。將。發。里。民。舉。炬。火。馬。上。山。臨。發。飲。士。卒。酒。夫。人。自。出。佐。酌。士。卒。皆。感。泣。飲。畢。亮。政。將。八。百。人。出。門。鼓。譟。敵。兵。顧。望。馬。上。山。火。大。駭。不。戰。而。潰。秀。元。貞。兼。直。衝。高。岑。麾。下。營。中。闇。黑。敵。兵。自。相。擊。遂。大。敗。高。岑。脫。身。走。上。平。斬。首。三。百。七。十。級。貞。兼。京。極。氏。驍。將。也。先。是。與。阿。閉。三。河。赤。尾。清。綱。來。降。亮。政。既。破。

京極氏自稱備前守。兄教政稱駿河守。夏姓赤尾。弟政信稱大和守。九月高岑與六角氏連和來圍小谷。亮政乞救於越前國主朝倉孝景。孝景使其族朝倉教景將兵來援。亮政與教景夾擊破之。遂攻上平。高岑懼請和。約以亮政為湖北守護。一如上坂泰貞之故。亮政許之。和成。乃與教景攻傍近不服者。盡定之。三代記。按本書朝倉孝景作朝倉貞景。誤。今據寬永系譜。如越國爭之。十月。亮政見高岑于上平。東野井口平野諸族皆降。十一月。亮政如越前。謝其來援。十五年正

月。亮政將賀正。上平大橋秀元來告曰。聞大津彈正。加州宗懸勸上平公。埃君至刺之。請勿往。亮政乃稱疾。遣政信。彈正宗懸怒曰。疾愈不可不速來。政信歸報。具言其有異。亮政曰。秀元言果信。吾且埃雪消攻之。三代記。按淺井物語。亮政將賀正。上平諸將諫曰。向淺見春向為上平公。請接於六角氏。恐有變。亮政曰。我已約。不可負也。遂如上平。高岑厚饗之。與本書不合。五月。高岑與六角定賴來攻。諸將請乞援於越前。亮政曰。去歲乞援。吾猶以為耻。豈可再乎。唯當枕城死耳。乃分兵守大嶽小丸。既而京極氏六角氏圍城。

數重。亮政堅守。磯野員詮爲員。襲大嶽焚之。瞰射城中。城中危懼。亮政謂衆曰。敵俯窺城中。非我利。不速圖之。是坐待亡也。我有一策。欲及吾兵未疲用之。乃遣東野某等將五百人。夜潛出城。募里民三千人。味爽張旗幟於柳瀨。賤岳諸山。而留兵備大嶽。親以千餘人。開門出戰。敵兵顧見諸山旌旗。相驚曰。越前兵至矣。乃大潰。我兵追北。至尊照寺而止。敵守大嶽者亦遁。亮政將攻上平高峯。使人來言曰。近日之事。皆彈正宗懸所爲。今已逃。

矣。吾欲自殺。唯在子所裁。亮政召諸將議之。諸將皆曰。成利未幾。破約來攻。今而不除之。亂何所底止。亮政曰。諸君言是也。然彼爲近江源氏支流。一旦滅之。吾不忍也。廼對使者曰。臣非敢負君。唯君誤用讒臣。將被誅。是以不得已至此。且上平與弊城隔絕。讒之所由入也。請徙居弊城。以絕讒路。乃築館城中。寘高峯。收湖北諸將質。泰彞泰信。及淺見俊孝等。走湖南。諸城望風而降。獨山本磯野佐和山高宮未下。九月。攻山本城。城將淺見對馬。乞

救於磯野員詮。員詮爲員赴救。亮政擊破之。獲爲員。員詮脫走。對馬懼而降。使對馬招降員詮。於是伊香高嶋淺井坂田諸郡皆降。而高宮賴勝。磯野員吉。仍據高宮佐和山。十月。高岑遣使招降之。湖北盡平。亮政自起兵至此三年。悉取京極氏地。大永元年九月。六角定賴入犬上郡。下高宮。亮政命三田村定元爲留守。自將兵三千拒之。諸郡聞警來會者三千人。定賴方攻大尾城。其子義賢自間道來攻。亮政使赤尾教政拒之于無常堂。十二日。

亮政軍六波羅山。伏兵蓮華寺。及地頭六波羅兩山間。使先鋒挑戰。佯卻。敵競進。伏起大戰。勝敗未決。會教政爲義賢所敗。沒。義賢長驅繞出我軍後。定賴縱兵乘之。我軍大敗。水村小市郎。小室隼人等百五十人死之。亮政與赤尾清綱。海北貞兼。馳犯陣。殊死戰。還上小阜。顧覩我兵。兵皆散。政信說亮政。與清綱等十五騎。突圍走新莊。保今村城。城將今井賴弘。素通定賴。亮政不覺。命政信建牙旗于顏戶山。集散卒。且曰。今日之戰。多喪我良。卽



還小谷何能爲。今敵新勝而驕。必弛備。可襲而破也。定賴屯地頭山麓。亮政卽夜分兵向門根。醒井口讚岐口。自率精兵登地頭山。約已定。而賴弘密告之。定賴定賴急整諸軍圍地頭山。亮政知謀泄。欲自殺。大橋秀元諫之。井口義氏貌肖亮政。自擲亮政甲代死。送其首於定賴。定賴以爲真也。大喜。乃解圍還攻佐和山。亮政因走新莊。旣而我兵向門根讚岐口者。稍來集。亮政急擊六角氏後軍。定賴大駭。欲返戰。軍擾亂不可復整。佐和山城將磯

彈正義氏

野員吉出城夾擊定賴。脫走斬首四百級。亮政憫義氏死。祿其男。以其女爲嗣子。久政妻定賴之入。湖北請援於美濃齋藤秀龍。至是秀龍將兵來攻。亮政迎戰大寄山。克之。秀龍退軍關原。明日又來攻。亮政拒之。玉村東旣而聞定賴復攻佐和山。乃欲先破秀龍而救佐和山。未決。會朝倉教景闡地頭山之敗。請其主孝景來援。亮政大喜。與教景俱擊秀龍。走之。追至小關。秀龍屯喜提山。亮政令教景赴佐和山。擊定賴。定賴走高宮。秀龍引去。亮政

留政信守小關親馳赴佐和山與教景合兵擊定賴會三井叡山僧徒來講和亮政以比年用兵疆內疲弊從之以愛知川為界誅今井賴弘五年與齋藤氏和先是亮政數攻美濃取不破安八數郡至是和成天文八年亮政傳封嗣子久政十五年七月卒年五十二至從五位下久政幼稱新九郎後更下野守叙從五位下為人剛戾好田獵大橋秀元數諫之久政怒欲誅秀元密謀之叔父政信小關之役政信與秀元爭功有隙因勸久政殺秀元父子亮政

之起兵秀元與伊部為利首應之功最多為利歿後秀元獨掌政及其見殺諸將無敢諫者久政子長政亦稱新九郎幼有祖風老臣或語亮政戰狀輒傾聽不倦諸將竊歸心久政惡長政置之清水谷諸將乃朝於清水谷久政尋召還長政三代記亮政久政當叙爵據花押義是時六角義賢勢強盛久政以其難抗終屬義賢納義賢宰平井加賀女妻長政長政既壯耻屬六角氏與陪臣婚乃出其妻加賀忿恚勸義賢攻湖北由是復與六角氏生隙江濃記永祿二年六月義賢來攻高

三郎左衛門經世

宮守將高宮賴勝叛降義賢。久政出拒於佐和山。義賢引去。長政之出其妻。久政怒。不予視。長政長政請從軍。不許。七月。平井加賀將兵來襲大尾城。拔之。新莊駿河。以淺妻城叛。久政狂暴益甚。疆土日縮。人人自危。老臣安養寺經世等謀。因久政遊獵。要之。傳封長政。長政立。稱備前守。叙從五位下。三代記。本書安養寺三郎左衛門名關。今據烈祖成續補之。敘從五位下。據花押叢。三年三月。長政大徵管内。兵攻淺妻及大尾。六角氏不敢援。我兵急擊下二城。新莊駿河出降。長政置戍。還入佐和山。高宮勝義來

降。請攻久德城。自効。長政遣兵助勝義。六角義賢。拯久德城。至愛知川。長政屯高宮川。備之。勝義疾攻。拔城。城將久德左近自殺。長政使駿河守高宮還入佐和山。與義賢戰于宇會川。義賢走箕作。長政遂下肥田城。置守諸城而歸。是時。齋藤秀龍既死。子龍興立。國內多叛者。其將日根野備中。永井隼人。通款於我。請來攻。六年三月。長政自將入美濃。與龍興戰于呂久川。不決。相持數日。龍興請和。未許。會使者至。自小谷。曰。六角氏出兵攻佐和山。長政

驚欲退兵。恐敵追躡。大野木秀國。三田村定元。請殿命赤尾清綱助之。敵尾擊不已。清綱等返戰卻之。而我先鋒已至磨針嶺。六角氏望之。解圍去。當是時。尾張國王織田信長。數攻美濃。欲進兵經略京畿。遣使來請和。且以妹妻長政。長政不答。使者再來。且曰。美濃近于我。我且擊取之。然貴國有意。宜自取。自今而後。事必相議而行。長政會諸將議之。皆曰。和便。長政曰。信長有意定中原。特患我塞其路。所以請和者。欲以我為先鋒攻湖南也。湖南

平次必及越前。越前有恩。豈可負乎。諸將皆曰。誓約成。和何不可。長政乃對使者曰。以君之威。天下不足定也。越前朝倉氏。與僕有舊。請勿加兵越前。則從命。信長如約。和已成。遣使迎信長妹。七年。信長攻取美濃。逐齋藤龍興。據岐阜。十一年八月。信長至佐和山。長政往而會焉。饗信長。信長贈遺甚厚。明日。信長入小谷。先是。將軍足利義輝。為三好氏所弑。其弟義昭。流寓諸國。遂依信長。至是。信長遣使六角義賢。說與俱伐三好氏。復義昭。義賢不

喜右衛門直繼

從信長乃謀攻湖南。約期而去。路次柏原。長政預命其臣遠藤直繼。淺井縫殿供帳。即夜直繼馳至。說長政曰。臣視織田公舉動。非常人。後必為君患。今其從者皆在外。宿衛者僅十餘人。臣一擊殺之。乘勢攻岐阜。岐阜聞其主死。必懼而降。長政曰。人方依賴我。而欺殺之。不義。直繼曰。後君必悔矣。三代六日。長政將兵至佐和山。以俟信長。時六角義賢子義弼。殺其驍將後藤某。諸將解體。多送款於我。

記。本書遠藤喜右衛門名闕。今據安積濟泊史論中所載中嶋為貞撰淺井三代傳補之。九月

九日。信長率大兵至佐和山。義賢據觀音寺城。修箕作和田山諸城守之。信長欲先攻箕作。使長政備觀音寺。長政曰。僕諳地形。願當一面。乃共攻箕作。拔之。和田山城兵望風而遁。義賢義弼大懼。夜走鯉江。信長連下諸城。使長政守觀音寺。招降殘黨。而自入京師。長政請從不許。信長遂破三好氏。定京師。館義昭於本國寺。十一月。歸岐阜。長政亦歸小谷。十二年正月。三好氏圍足利義昭於本國寺。長政與信長赴援。擊破之。信長為義昭城。

日本外史補 卷之八 同日氏義友

二條實之發畿內平起土木。信長長政各遣其將吏董役。兩家將吏有違言爭鬪。殺傷數百人。義昭和解之。乃止。由是稍生隙。元龜元年四月。信長入越前。下手筒山金崎。是時久政已老。猶與聽軍事。聞之怒曰。信長背約。擅加兵越前。反覆甚矣。且越前亡。次必及我。盍及其未亡。戮力拒之。遠藤直繼諫曰。方今織田氏已并畿內。其勢難當。不如遣一將會師講和。久政益怒。長政乃建策曰。急發兵塞山中路。與朝倉氏夾擊。必有利。久政以爲非計。止

之。長政遣使告絕於信長。先是有告信長以我援義景。信長不信。及使者至。大驚。留其將木下秀吉。備朝倉氏。引兵自若狹走京師。五月。信長將歸美濃。六角義賢要之鯨江。長政聞之。欲與朝倉氏合兵。乘虛攻岐阜。乃遣使趣朝倉氏。是時朝倉孝景已死。子義景爲人柔懦。不敢出援。長政切齒曰。怯夫誤機會。旣而聞信長將來攻。復使人謂義景曰。吾拒信長於關原。請公速出兵爲援。於是義景使其將朝倉景鏡來接。長政合兵入美濃。長亭軒戍。

日本外史補 卷之八  
將堀次郎。叛應織田氏。織田氏將木下秀吉代守。景鏡聞之懼。棄營走。長政怒。欲攻長亭軒。慮信長來救。乃還軍。六月。信長自將來攻。留兵備橫山。而圍小谷。長政謂諸將曰。明朝敵必攻橫山。我令淺井玄蕃率一隊尾之。繼以兵三千。必捷。然後逐北至橫山。諸城並起應之。信長可擒也。諸將皆欲待朝倉氏援。長政曰。義景速來則可。不然信長敏軍。機疾攻下橫山。悔無及已。久攻固止之。日日。信長果引兵向橫山。橫山守將大野木季俊。三田村國

定告急。長政將八千人赴救。上大寄山。遣使趣義景。義景使其將朝倉景健來援。信長亦請援於德川氏。長政議。旦日移陣三田。襲信長于龍鼻。淺井半助諫。以爲不可。遠藤直繼獨勸之。議乃決。旦日。景健陣三田。長政陣野村。信長覺之。勒兵爲十三隊。當長政。東照公與信長將稻葉通朝。當景健。長政分軍爲七隊。以磯野貞正爲先鋒。大戰于姊川。破敵先鋒坂井政尚。池田信輝等斬政尚于久藏進薄。信長麾下。會景健爲東照公所敗。公

右近政尚

與通朝橫衝我軍。我軍不利。淺井雅樂加納次郎左衛門等从之。軍終大敗。長政走小谷。遠藤直繼提首級潛混敵兵。狙擊信長。不成。从之。安養寺經世爲擒。請死。信長不許。問曰。城中兵幾許。對曰。千八百人。信長以兵疲罷。縱經世還。時城兵僅二百人。攻之必陷。信長遣其將柴田勝家攻橫山下之大野水秀俊。遁歸小谷。敵遂圍佐和山。磯野貞正固守。信長留兵而去。八月。長政聞三好康長等與齋藤龍興據野田福嶋。信長擊之。而一向僧以大坂應康

長等。乃遣使說朝倉義景曰。信長方困於攝津。公與我乘間建旗京師。與三好齋藤夾擊信長。破之必矣。義景乃發兵八千人。與義景會于伊奈城。合兵攻宇佐山。守將森可成出拒。信長弟信治及青地泰資自堅田赴救。我軍擊大破之。獲可成。信治等進過大津。縱火醍醐山。科信長聞之大驚。急還軍抵大津。屯志賀。長政屯叡山。與僧徒合謀固守。十一月。堅田人猪飼甚助降信長。信長遣其將坂井政尚守堅田。以絕我歸路。長政患



之與義景謀遣兵急攻堅田斬政尙三代十二月

信長請和長政不許信長乃奏請行成足利義昭

亦來講和於是三家各罷兵明智二年二月信長

攻陷佐和山新莊駿河復叛降信長信長置守而

去淺井氏勢益微五月長政使淺井七郎將僧兵

攻堀次郎於本江城木下秀吉自橫山救本江長

政遣一將襲橫山城垂陷秀吉引兵還戰我兵乃解

圍退三代記按信長記五月長政遣淺井七郎備

秀吉橫山營而自將攻堀次郎於箕浦城秀八月信長來攻小谷

吉自問道入箕浦城與次郎拒長政破之與本書不合

縱火城下而退長政尾擊不克三年三月信長縱

火小谷遂入志賀新莊法泉坊以伊黑城叛長政

遣兵攻拔伊黑七月信長復來攻長政請援於朝

倉氏信長以城險難拔欲築長圍困之壘虎御前

山長政數遣使趣義景義景不輒出敵已築虎御

前及八相山木下秀吉柴田勝家守之既而義景

以兵二萬至田部山勝家秀吉出戰義景擊卻之

長政與義景議遣兵圍宮部城勝家秀吉赴援襲

我後日暮交綏九月信長留兵而去義景亦留兵

日本外史 卷之八 一 堀田氏藏版  
大嶽而去。天正元年八月，信長復來圍小谷。其將丹羽長秀、瀧川一益攻雲雀山，守將淺見大學通歛於敵。長政不覺，自將赴援。柴田勝家木下秀吉擊我後，長政急引兵退。敵競至，西野布施、箕浦尾山諸將苦戰死之。長政得入小谷，丁野月瀨守兵皆遁歸小谷。信長軍山田使勝家及佐久間信盛屯高月，絕越前援路。城中益困，告急。義景、義景來援。次田神山，其前軍將朝倉景鏡陣田部與織田氏兵戰，雨森物部間淺井對馬以燒尾城叛。信長

圍大嶽拔之。朝倉氏兵多叛降。義景懼，夜拔營而遁。信長急追義景入越前，滅朝倉氏，留數日，盡平越前。引兵還屯虎御前。當是時，湖北盡陷。長政久攻僅保兩城，救援不至。信長遣秀吉絕兩城之間，遣使城中曰：「所以與子交兵者，以朝倉氏故也。今義景已誅，無憾于子。苟致城保無他。長政對曰：「國破家亡，何面目立天下。唯欲速死耳。」信長復來告曰：「苟降，封之大和。」長政不答。二十九日，信長攻久政，久政自殺。明日，長政送其妻織田氏於敵營。自

將五百騎突圍力鬪將退敵已登城乃又馳突殺傷甚多終自殺年二十九城兵無一人逃者淺井石見赤尾美作為擒信長責石見曰汝勸而王負約使吾數年不安枕石見罵曰我王不微君欺詐以故至此信長殺之美作亦不屈死長政生二男三女長子萬福見殺次子生始四月乳母抱之逃長政之遣其妻三女從焉後娶嫁柴田勝家勝家之滅從死之秀吉收三女育之後長女為其姬即淀妃次適京極氏次適德川氏三代實贈從一位

崇源院

烈祖成績按南塾乘抄初崇源夫人道少將丹波秀勝秀勝織田右府季子而豐臣

太閤義子也夫人生一女而寡太閤使台德公娶之生大猷公及東福皇后而夫人前夫女

為台德公鍾愛及并公以寬文九年九月贈為養女嫁關白九條藤公云

長政從三位中納言

花押

岡田僑曰淺井亮政滅京極氏取其國篡奪之罪固不容誅也獨其勇武智略可謂一時之雄矣長政用兵頗類亮政然暗於見機果斷不足余嘗咎長政不覺信長欺詐恃婚信約導其兵以啓西向之道譬如開鎖鑰以納盜夫江越唇齒之國可相

日本外史補卷之六  
合以救而不可離離則勢孤信長滅湖南此層亡  
之勢也。湖南亡次必及越前。越前亡則湖北安得  
獨全哉。此勢之必然者。長政非無疑於此。而當時  
將士皆淺謀無遠圖。以其與六角氏世仇也。怨惠  
講和。欲倚信長以除六角氏。不知其助寇亡援也。  
豈非暗於見機之過耶。信長既滅湖南。定京師。勢  
益強大。及其加兵越前。事已不可為矣。然向使長  
政急發兵出敵不意。要擊其歸路。或可以逞其志。  
計不出於此。猶豫不斷。坐失機會。及敵還向我。而

後乞救義景已不及矣。且義景孱弱。非父祖之比  
也。長政不知其不足與謀。而欲借其力以擊織田  
氏。遷延之間。使敵益得計。計之失莫大於此。然當  
是時。久政猶議軍事。多所牽掣。雖有善謀。難可得  
而行。則非獨長政之咎也。

日本外史補卷之六

日本外史補

卷之六

十七

岡田氏藏

日本外史補卷之九  
岡田氏藏片

日本外史補卷之九

朝倉氏

朝倉氏出於

孝德天皇子有間皇子。皇子居

紀伊藤代。

齊明天皇四年。皇子謀反被誅。其

子表米。

天智天皇時。拒外寇。以功賜姓曰下

部。為但馬養父郡大領。卒後祀為神。號赤淵。表米

後五世曰乙長。乙長二子。曰磯經。磯主。磯主任朝

來郡少領。後轉大領。居朝倉。因氏焉。磯主後九世。

曰高。清。稱太郎。大夫。事平氏。及源氏。興。失其采邑。

後關東有山嶽之異。高景禱赤淵神射殺之。源賴朝

嘉之。復舊邑。寬永系譜高景後七世曰廣景。稱孫右衛門。

朝倉始未記。按寬永系譜。高景子曰高景。高景子曰廣景。誤。自文治二年。源賴朝興。至足利尊氏時。凡百四十餘年。而朝倉氏高景。高景廣景。當是時。北條高時景僅三世。知其世次脫漏。故不取。

謀逆。遷後醍醐天皇於隱岐。既而帝至伯

耆。足利尊氏屬官軍。攻六波羅。徵山陽山陰兵。廣景

應徵。自但馬往屬尊氏。將足利高經。終留事高經。及

尊氏叛。高經兼尾張。越前守護。予廣景越前坂井郡。

居黑丸城。廣景子曰正景。正平十年春。正景從尊氏

入京師。與官軍戰東寺南門。有功。賜其偏名曰高景。為遠江守。十七年。足利義詮以足利高經子義將為執事。義將稱斯波氏。二十年。義詮命高景為越前守護代。加授大邑七所。輔義將。世為家宰。參取大日

本史。總見記。按總見記。足利高經。作斯波高經。今從日本史。或曰。稱斯波氏者。高經長子。家長也。家長任陸奧守。居斯波。因氏焉。延元二年。家長戰死。鎌倉高經以第四子義將為嗣。義將襲兄之氏號。

子孫遂以斯波為氏也。高景生氏景。氏景生貞景。貞景生教

景。教景生家景。家景子敏景。稱彈正左衛門尉。寬永

系譜文正元年。斯波義將之裔義鄉卒。無嗣。立其族

美作守氏景  
下野守貞景  
美濃守教景  
下野守左衛門尉家景

大野義敏為嗣。重編應仁記敏景不欲立義敏與斯波

氏老織田氏甲斐氏逐義敏更立其族澁川義廉

為主。義敏奔周防。其子為僧直藥弟子而義敏妾

之妹為伊勢貞親妾。有寵。於是貞親與直藥謀請

將軍足利義政復義敏。義政許之。召至京師。以義

敏為斯波氏後。義廉拒命。結山名持豐為援。持豐

義廉妻父也。重編應仁記應仁元年。持豐與管領

細川勝元構兵於京師。敏景與織田敏定等奉義

廉屬山名氏文明三年。義廉徙尾張。重編應仁記義

敏從勝元于京師。陰招敏景許以讓國。敏景迺背  
義廉歸義敏。足利義政命敏景為越前守護。無幾  
甲斐次郎左衛門以北莊叛。守護代斯波義雄討  
之不克。其下皆叛。應賊義雄自殺。國中大擾。敏景  
在京師。聞變請義政討賊。義政賜之刀曰。汝亟平  
賊。以通北陸之道。敏景感奮。與長子氏景馳歸越  
前。七月十二日。昧爽。圍北莊。城兵逃亡。多來降者。  
賊窮蹙。自殺。越前平。敏景代斯波氏。徙一乘谷。舉  
堀江景用為宰。國中大治。敏景削髮號英林。八年

中務丞景用

九月斯波義廉將兵來攻英林擊破之十三年七月英林卒氏景嗣氏景子貞景稱彈正左衛門尉材武有膽略明應元年八月貞景從將軍足利義植攻六角高賴於觀音寺城重編應仁記二年二月從伐譽田四月管領細川政元幽義植立足利義澄為將軍後義植潛遁來奔六年十一月貞景奉義植入近江軍坂本足利義澄遣兵逆擊我兵大敗義植奔周防依大內氏足利官位記菅原和長記文龜三年朝倉景豐以敦賀叛景豐父遠江敏景弟也為敦賀

小太郎教景敏景第五子

郡司驍勇為眾所服景豐承其後負勢驕橫懷異圖貞景欲誅之未發貞景諸父朝倉教景黨景豐據龍恩寺既而悔夜遽入謁具白景豐反狀貞景即下令徵兵四月朔自將兵二萬攻景豐於敦賀景豐自殺命教景為敦賀郡司守金崎城永正元年八月朝倉元景率斯波義廉族及甲斐氏餘黨自加賀來侵貞景擊破之元景遁去加越關爭記三年七月吉崎藤嶋和田及照嚴寺僧徒叛應越中加賀一向僧初文明中本願寺主兼壽自山科來請

山科屬山城



以吉崎爲道場。創一寺。其徒群聚。藤嶋以下相繼造營者四十餘宇。後兼壽去還山科。就其舊址。建巨刹。復舊號。曰本願寺。自是加賀能登越中。其徒益熾。又有高田專修寺宗派。門徒分屬之。後兩宗各樹黨相爭。訐加賀守護富樫政親。政親以專修寺爲直。本願寺門徒不服。更相煽動。起兵攻政親。滅之。高田僧徒逃亡。加賀盡屬本願寺。遂攻能登。守護畠山義元逐之。勢益兇橫。至是與吉崎藤嶋和。田僧徒糾合三國群黨入越前。屯兵庫及長崎。

長門守吉象號  
祖桂

兵號三十萬。國中震駭。貞景召諸將議守禦。朝倉教景以嫌疑屏居僧寺。削髮號宗滴。聞變曰。吾當是際。可坐視其急乎。直擊破照嚴寺。虜其僧徒。謁貞景。貞景大喜。部署諸將。令教景陣中鄉。朝倉貞識陣志比莊。青蓮華右京。堀江景實陣九頭龍河。兵各三千。山崎吉象將二千人。陣黑丸村。以拒賊。賊分兵來侵。而赴中鄉者十餘萬人。旌旗蔽江。教景謂衆曰。賊兵方熾。若使其濟河。寡兵難拒。不若我濟而戰。衆危懼未決。貞景馳使趣教景進戰於

是教景令騎兵濟上流。步卒濟下流。既上岸。大呼進擊。大敗之。賊之向九頭龍黑丸者。聞之皆潰散。我軍追躡。斬首無算。貞景大賞教景。隳吉崎本覺。超勝諸寺。盡逐僧徒。十月。加賀僧徒再來。攻豐原寺。成將朝倉土佐。逆拒之于坂口。擊走之。四年八月。加賀人山本玄任來侵。貞景遣兵擊斬玄任。參取

關爭記。一向宗大系圖。信長記拾遺。五年。大內義興起兵。奉足利義植入京師。貞景將兵會京師。伐三好氏。破之。義植再任征夷大將軍。重編應仁記九年三月。貞景出畝。卒。

于路年四十。貞景素信佛教。造南陽寺佛殿。又造觀音堂於京師清水寺。置燈田。號曰朝倉堂。生三子。景高。孝景。景隆。孝景嗣。稱彈正左衛門尉。朝倉教景輔之。關爭記十四年。近江淺井亮政逐其主上坂泰舜。據小谷城。京極高岑與六角定賴連和伐亮政。亮政遣使來乞救。孝景召將士議之。將士皆曰。勿許。朝倉教景曰。淺井氏雖微也。本華胄。臣觀其用兵。應變出奇。殆非常人。且人窮來歸。我寧可不救乎。孝景從之。使教景將兵赴援。大破六角氏。

十一月亮政來謝淺井三代記。按本書以救淺井氏為貞景時誤。今據寬永系譜

之。大永元年九月六角氏齋藤氏攻淺井氏孝景

遣教景赴援擊二氏破之三代記七年細川晴元擁

足利義維入京師與畠山義英擊細川高國孝景

遣教景將兵援高國與義英戰京師斬其將遊佐

彈正等八年正月與晴元和重編應仁記享祿三年春

下間筑後起兵加賀與山田黑瀨僧徒戰敗筑後

來乞救八月孝景遣教景赴援畠山大隅率能登

越中兵來會九月進至湊川與山田黑瀨賊戰斬

首八百級縱火番田土室藤塚二十八日大雨水漲教景遣步卒八百人以船濟擊賊不利教景赴救明日賊兵來攻能登越中兵敗走教景收兵歸天文十七年三月孝景卒子信景嗣稱孫次郎頗有才學亦信佛說娶細川晴元女二十一年六月晴元為信景請將軍足利義輝賜其偏名更名義景任左衛門督關爭記弘治元年加賀一向僧起兵義景遣教景伐之既而議和以手取川為界明智軍記是歲教景以病死今其子景紀承後教景剛銳善

孫九郎景紀後  
夏九郎左衛門

用兵歷仕三世。屢定大難。及死。世惜之。關爭二年。  
 加賀僧徒起兵。絕京師糧道。會足利氏使者來。諭  
 與本願寺和。義景聽命。約以女嫁本願寺主光佐  
 子光慧。光佐兼壽之後也。天文中。六角定賴受細  
 川晴元旨。襲山科本願寺。焚之。光佐父光教走攝  
 津。住大阪。總見。永祿五年。加賀僧徒背本願寺。不  
 納賦於大阪。光佐來告。義景諭僧徒不聽。九月。義  
 景遣朝倉景行將兵往伐之。青蓮華景基真柄直  
 隆。僧隨轉等屬焉。陣月津。賊兵來攻。景基直隆邀

土佐守景行  
 十郎左衛門直  
 隆

十郎大郎隆基

戰。直隆軀幹魁偉。能用大刀。臨陣奮揮。敵望而避  
 之。號鬼真柄。其子隆基及隨轉。皆驍勇有膂力。俱  
 進。殪八十餘騎。大破賊。賊徒皆降。於是加賀能登  
 越中。從風而靡。武田義統以若狹來屬。參取明智  
 軍記總見  
 記。八年。足利義輝為三好氏所弑。九年。義輝弟一  
 條院門主覺慶避難走近江。蓄髮。更名義昭。依六  
 角義賢。不得志。抵若狹。依武田義統。義統辭之。欲  
 依朝倉氏。使人來道其意。義景使朝倉景鏡迎之。  
 九月晦。義昭至金崎。十年春。堀江景忠以本莊叛。

式部大輔景鏡

義景遣兵討景忠。景忠走加賀。十一月，義昭自金

崎至一乘谷。義景館之安養寺。重編應仁記。義景

總見記。按重編應仁記。景忠作景用。誤。十一年三月，義昭奏請義景

母武田氏叙從二位。稱二位尼。四月，義昭冠于一

乘谷。義景為假管領加冠。當是時，四疆多虞，不能

復。義昭遷延經年。義景寢驕恣怠政，居無幾，其子

阿君及乳母死。義景悲哀不自勝。初，乳母病乏乳，

選房中一女奴，令進乳。由是阿君頗健。人或告女

奴欲代乳母，密行毒。阿君亦誤中其毒也。義景怒。

捕女奴及共謀事者數人，鞠治并誅之。參取電編應仁

記。義景記。總見記。義昭知義景不足託，潛遣使織田信

長囑以興復。信長敏定裔也。初，敏定輔斯波義

廉子義良。據尾張清洲。後斯波氏衰，至義良孫

義紘而亡。信長取尾張，遂并美濃。徙岐阜，欲西

定京師，乃許義昭。總見記。按尊卑分脈。斯波義廉

義昭於是去如岐阜。義景堅請留，不肯，乃以兵護

送。九月，信長擁義昭西擊六角氏。下觀音寺，箕作

諸城，遂入京師，擊三好氏、平之。義昭任征夷大將

軍信長執政奪諸國寺祠食邑延曆寺邑在美濃本屬我以其地遼遠附之延曆寺充香火資亦見奪僧徒上狀訴之朝廷朝廷勅信長返之信長聽命而不果返僧徒憤恚來請攻信長於是朝倉氏始惡於織田氏總見記十二年信長大課畿內民城室町真義昭召義景入朝義景不肯山崎吉家諫曰君之祖先本起陪臣賴慈照公庇累世顯達榮華一門奈何負其德且信長雖多詐而有奉上之名天下方嚮應既并十州其部下勇猛輩出臣

慈昭入足利義政

以時勢計之信長未易圖也願君速赴京師義景遲疑不果行義景記吉家吉象子也稱長門守領府中勇敢有氣節屢諫義景義景不能用關爭記吉家吉象子據始末記按明智軍記以時民間相驚言信長來攻義景懼與本願寺及延曆寺僧徒合謀修守備置兵金崎手筒二城築壘于木目及中河內椿坂以為應援元龜元年四月信長大舉來攻時金崎城將朝倉景恒在一乘谷義景令還守金崎使託美行忠等助之正田右近津波甚四郎助手筒山

越後守行忠

城將寺田采女拒守。義景自將次木目嶺。二十五日。信長入敦賀。圍手筒山城。後有澤不備。信長直濟澤而進。景恒自金崎赴救。信長分兵備之。縱火城外。破柵疾攻。拔城。采女死之。城兵死者五百人。景恒走保金崎。明日。信長攻金崎。城中矢罄。義景赴救。至淺生莊。聞一乘谷有反者。遽旋軍。信長招降景恒。景恒致城去。有<sub>三</sub>段崎勘解由左衛門朝倉氏疏屬也。獨不肯去。曰。吾而未死。城不可棄。終見執。引田城亦失守。國中震怖。

參取總見記。義景記。按總見記。手筒

山城兵死者千三百人。今從義景記。會淺井長政使者來。曰。寡君不渝前盟。欲悉國兵以赴君之急。義景大喜。附誓書使者。信長聞之大驚。急引兵去。我將毛屋七左衛門追躡。斬首七百級。信長自若狹退。及佐柳城。放還勘解由左衛門。終達京師。長政使人來告曰。信長在京師。其畱守者皆羸弱。公乘虛直赴美濃。擣其巢穴。彼必棄京師自救。我據佐和山。要其歸路。破之必矣。義景召將士議之。將士皆危之。山崎吉家曰。兵尚奇。不出意表。無以成大功。且小谷公以

我故絕織田氏豈可不答其德不聽辭使者五月  
 長政復使人來請曰信長以前敗深懷慙憤將來  
 攻願公急出兵義景使朝倉景鏡赴援縱火近江  
 南郡會淺井氏臣堀次郎以長亭軒叛降信長景  
 鏡懼引兵入美濃縱火垂井赤坂而歸六月信長  
 迫小谷長政告急義景不肯出兵使者三反乃使  
 朝倉景健將兵一萬三千赴援真柄直隆僧隨轉  
 等屬焉信長亦請援於德川氏長政陣野村當信  
 長景健與德川氏戰于姊川大敗三代直隆揮大

孫三郎景健

刀冒陣大呼殪數十騎敵軍披靡德川氏士勾坂武  
 部挺身而進以槍鏃之直隆直擊其胷胷碎而仆武  
 部弟及其奴來救直隆格鬪斬其奴身亦被數創  
 終死之子隆基及隨轉亦健鬪死總見記明智軍

伽這兒按伽這兒隨轉安房人為人多力為僧居  
 武藏壽經寺以貧不能專力於學常托鉢於甲斐  
 信濃諸國聞真柄直隆有膂力欲試之乃如一乘  
 谷謁直隆請角觝直隆立闕中隨轉立堂垂相搏  
 闕折堂垂推終不移一步觀者驚異後會某寺論  
 佛說一難即屈眾朝隨轉深慙之翌日行托  
 鉢市中無所獲乃自罵曰汗辱至此  
 何以沙門為乃復如一乘谷屬直隆長政方與信  
 長戰敗之進薄麾下會德川氏既破我軍還衝長



政軍長政終敗走景健收敗卒而歸。三代八月信

長攻野田福嶋長政復使人來請曰信長方攻攝

津乘是時入京師與野田福嶋合謀要其歸路必

有利本願寺主光佐亦遣使來請援九月義景將

步騎二萬發一乘谷時織田氏將森可成據宇佐

山青地泰資據堅田信長弟信治助之義景至伊

奈城與長政會議曰宜先破宇佐山而向大阪廼

簡精兵與淺井氏兵攻宇佐山信治泰資自堅田

來救可成出城會戰我軍擊大破之斬可成信治

三左衛門可成

駿河守泰資  
九郎信治

心近政尚

等而城不下日暮義景軍坂本使朝倉景鏡上叡

山與山僧俱守大嶽草津野路田上僧徒及六角

氏殘黨並起斷勢田橋扼織田氏歸路義景以景

鏡為先鋒縱火大津醍醐山科信長聞之與足利

義昭急引兵還圍叡山麓十一月信長將坂井政

尚入堅田與猪飼甚助等謀襲坂本義景與長政

急攻堅田斬政尚甚助十二月大雪信長兵凍饑

請和義景不肯景鏡等不欲戰勸義景許和信長奏

請行二國之成朝廷使大納言三條實澄中納

言滋野井冬隆來坂下。義昭亦居間講和。義景乃

聽命罷兵。

參取三代記。明智軍記。按明智軍記。宇佐山城。全日暮而下。三代記不載。義景

記曰。元龜元年。義景使朝倉景健將兵先發。山崎吉家為副。九月。景健與淺井長政。攻破坂本。信長

聞之。急還軍至坂本。景健與長政屯山門以待。義景。義景得捷報。十一月。自將萬人赴近江云。

與本書不合。二年九月。信長攻延曆寺。焚之。僧徒逃亡。

多來歸者。三年七月。信長攻淺井氏。築壘于虎御

前。八相山。以逼小谷。義景使朝倉景鏡赴援。自將

二萬人繼之。晦。至小谷。軍大潰。麓。九月。信長將柴

田勝家。自八相山木下。秀吉。自虎御前山。並攻小

谷。朝倉修理等拒之。不克。景鏡自下野山赴救。勝

家秀吉走保虎御前。景鏡退入小谷。長崎大乘。狙

射信長。不中。池田隼人叛。謀為內應。發覺。義景斬

以徇。諸將叛者相繼。軍中恟恟。信長使人請戰。義

景不答。信長留兵而去。十月。義景留景鏡旋軍。十

一月。景鏡留兵丁野大嶽諸城而歸。參取三代天

正元年七月。近江西郡叛降信長。信長入高嶋。北

郡亦叛。淺井氏告急。義景欲赴援。時頻年勞兵。國

用費弊。諸將皆不欲行。義景不懌。曰。小谷亡。一乘

是三郎景信  
兵庫頭景近

得獨存乎。乃悉發國中兵。自將至敦賀。欲先定西  
郡。眾交諫。以為不可。高橋景信。鳥井景近。寵幸用  
事。勸義景進軍。八月。義景使山崎吉家。託美行忠  
等先發。而自繼之。至引檀城。聞木戶田中新莊諸  
城皆陷。乃向北郡。踰刀禰山。抵柳瀨。吉家行忠。自  
三方城還。鬪爭記信長率兵來屯虎御前。柴田勝家。  
佐久間信盛。屯大嶽北。以斷小谷援路。十日。信長  
入山田。義景聞信長將攻大嶽。移軍田神山。先鋒  
朝倉景鏡。軍田部山。十二日。淺井氏將淺見俊成。

在大嶽。叛導織田氏兵。是夜雷震。城中火起。信長  
急攻下城。丁野城亦陷。吉家與淺倉景行等。說義  
景退軍。敦賀。以觀其變。義景不肯。士卒聞之。火營  
逃亡。義景遽自刀禰口退。信長分兵追躡。義景至  
柳瀨。吉家曰。事急。君第亟去。臣請留死。朝倉景氏  
扶義景上馬。夜遁。士卒狼狽。委甲走。既而追兵及  
刀禰坂。吉家及子吉次。吉延。拒戰死。山崎新左衛  
門。山崎珠寶坊。和田三郎左衛門等死之。義景度  
不脫。欲戰死。景近。景信。說義景。馳入水目城。聚散

小次郎吉次  
七郎左衛門吉  
延

日本外史補 卷之九  
卒時諸城皆不守。信長長驅至敦賀。義景出木目倉皇就道。追兵來迫。行忠馬上賦詩。遺其鄉告訣。與景行等留戰死。先是齋藤龍興來寓。至是亦戰死。朝倉景健脫圍從義景走。喪軍三千八百人。自大嶽至敦賀。橫尸十餘里。義景晝夜兼行。以十五日夕達一乘谷。兵僅三千。城下民荷擔而走。義景欲先殺孺子愛王而死于城。關爭記。溝江長逸說曰。城中兵寡不可守。臣邑金津距府中十里。間有黑龍足羽鯖江之險。願君徙焉。景鏡後至。素有異

志曰。不如徙臣邑亥山。其險足以守。且平泉寺僧徒素戴君。牛首西谷可以通加賀。願君亟決計。義景從之。明智軍記。火城奉二位尼而走。景近景信等從焉。築山清左衛門年八十餘。謂其妻曰。自我英林公。五世雄北陸。豈可無一人死城者。吾荷國恩。不忍復視息人間。乃及妻子自殺。義景至東雲寺。徵兵平泉寺。平泉寺僧徒通信長。約執義景以降。景健。景鏡亦納款。信長信長進次府中。景鏡詒誘義景。夜徙山田莊六坊。及曉與平泉寺僧徒以兵圍

日本外史補 卷之九 關原日比野片  
六坊。迫令自裁。曰。信長已知君所在。請自爲圖。義  
景始知爲其所誑。怒曰。奴輩敢爾。我死必爲厲鬼  
誅之。乃入賢松寺。作絕命詞。引刀自刺。景信走入  
剷之。亦自殺。景近欲狙擊景鏡。犯陣索之。不獲。還  
自殺于義景屍側。景鏡取義景及二人首獻之。信  
長。信長殺二位尼及孺子於歸里佛堂。復景健。景  
鏡邑。後景鏡爲土寇所攻殺。景健亦畔信長。見誅。  
義景之敗於刀禰。其將印牧彌六左衛門爲擒。信  
長召我降將前波吉繼。問知其名。曰。壯士也。諭之。

令仕。辭曰。臣世受國恩。縱不能效死。忍偷生。復  
乎。吉繼曰。織田公憫子。特賜采邑。子奉命可也。彌  
六左衛門。嗔目罵曰。叛賊。汝非亦世臣耶。乃忘恩  
規利。我豈做汝非人之爲耶。竟不屈。行刑者將劊。  
彌六左衛門曰。身爲囚虜。固武夫之常。唯死同奴  
隸。深耻之。願自殺。信長義之。解其縛。授刀。彌六左  
衛門自屠挾腸。拋之地而死。初。義景夫人細川氏  
卒。繼娶近衛氏無字。鞍谷嗣知女。爲二位尼侍女。  
稱小宰相。義景寵之。生一男二女。男爲阿君。近衛

日本外史補 卷之九 關原澤熊  
氏寵衰。侍婢交相惡。終為呪詛。義景乃廢近衛氏。其明年。小宰相以疾死。義景悲悼。左右進美姬慰其意。莫當意者。齋藤兵部少輔女。稱少將。頗稱意。作室於諏訪谷。實之。生子愛王。少將有恣色。能迎意。納媚。權傾內外。士民怨叛。既而族人宿將相尋死。竟以至亡。義景臨終。託二女福岡石見。石見為土寇所殺。二女流落。投其乳母子野尻某。尋匿本鄉山寺中。後至加賀。河合某杉某奉以至大坂。為本願寺主光慧妻。其一為比丘尼。關爭記。總見記。此稿原澤熊

山所著。乘錄引書。旁以義景記。信長語。足利官位記。菅原和長記。諸書參訂之。

岡田橋田朝倉敏景起於斯波氏將校。乘時之衰亂。代其君為越前守護。而至義景終為織田氏所滅者。雖其庸懦淫昏。有以自取。然亦由敏景惑溺浮屠氏。貽孫謀之不滅焉。夫浮屠氏之為禍也。所由來久矣。足利中葉。其最甚者為一向宗。彼有爵位之尊。又有采邑之富。寺門徒羅列郡國。動輒構黨煽亂。盤互連結。難得而制。人主一信其教。禍不及其身。則及子孫。雖有遲速不同。未有能免者。

也。自敏景信一向僧伽藍瑤閣相望國中。其徒遂蔓延於加賀能登越由其禍至貞景而極矣。加賀富樫氏能登畠山氏皆為僧徒所滅。當是時朝倉氏危急不可道也。特以貞景英斷加以教景輔翼。幸而得破賊。宜乘其勢勦殄醜類。痛斷禍根。以戒後世子孫。奈何不自懲。猶信其教也。義景不鑒祖先覆轍。反以僧徒為可依賴。末路復為其所窘。可謂惑之甚矣。僧徒素絕彝倫。廢君臣。唯視勢之強弱為之向背。平時猶傲然不肯為之用。緩急豈足恃乎。自古與僧徒共事者。我見其禍未見其福也。朝倉氏五世信浮屠氏。而其報如此。後之為人主者。其可以少戒矣。

其...  
日本外史補卷之九



